

# MISA DI SANTA ANNA

E motibu cu nan a traha un misa na Noord ta, cu hendenan a kita poko poko for di Alto Vista bai biba mas pabau. Alto Vista tabata muchu lew, muchu na cantu di lamar, cual tabata causa tambe di un "Caintura pretu", cu a haci hopi hende muri. Ademá mas i mas tantu hende di Corsow a bini na Aruba pa traha un kunuku, manera na Tanki Flip, Bubali, Washington. Probablemente e famianan Semeleer, Christiaans, Gaide, Henriquez a bin biba aja den e tempu ey. Dia cu Pader Christoval de Quesada a bishita Aruba, esta na anja 1778, el a hanja dos misa aki: misa di Reina di Santissima Rosario na Alto Vista i misa di Santa Anna na Noord. Na 1772 Noord no tabatin misa ainda, anto den e anjanan 1772 - 1778 nan a traha e misa di Santa Anna. Segun tradicion, Bernardo Silvester, huntu cu Henrique Alvarez, ruman di Miguel Alvarez, i Caspar Silvester, ruman di Bernardino, a percura cu Noord a hanja su misa. Como cu na 1778 e misa tin su patrona caba, Santa Anna. Nos ta supone cu cualkier sacerdote spanjo, cu a bishita Aruba, a duna e nomber i a bendiciona e misa. Kizas esey tabata pader Joaquin de Borrás, kende tabata na Aruba di dia 21 - 24 di februario 1776. Su nomber ta keda mas menta den nos archivo cu nomber di otro sacerdotenan den e anjanan ey. Di pader de Borrás ta skirbi, cu ta "solemnemente" e ta batisa hende.

Santa Anna tabata e patrona mas stima cerca spanjonan. Especialmente navegantenan tabata stima Santa Anna como patrona di bon bientu. Asina anto nos por comprende, cu e spanjonan, kende tabata cruza lamar hopi e tempu ey, a prefera San-

## Nos a ricibi

Curacao, 29 - 7 - '78

Estimado Señor Redactor di Taray,

Mi kier a acerca bo pa motibo cu mi ta hanja mi mes confronta cu e problema di saber con cultiva verdura manera comkommer pa salada, tomati etc. y tambe palu di fruta manera mango, mispel etc.

Mi a tuma contacto cu Agroco N.V. y nan a notifica mi cu nan lesnan ta vocal y practico y ta e alumnonan mes ta tuma nan anotacionnan. Agroco N.V. a notifica mi cu mi por tuma contacto cu bo Revista, "Taray" cual varios lesnan di nan a wordo publica aden.

Sperando riba un contesta positivo y si tin algun gastu financiero, lar-

ga mi sa libremente.

Di antemano masha danki,  
Donny Peternella  
Cost Jongbloed 98A,  
Curaçao, N.A.

Contestacion di Redaccion:

Cu mucho gusto nos a manda sr. Peternella algun Taray di moda cu e tambe por probecha di nos lesnan di agricultura.

Nos ta spera cu mas y mas hende bira consciente manera sr. Peternella cu nos mester haci mas na agricultura y horticultura.

Corda nos lema: "NUNCA NO PERDE CURASHI", y Plantando bo kunuko cu smaak y curashi, bo ta logra hopi cosecha y ganashi.

TARAY

ta Anna como patrona di nan misanan i teranan lew.

Misa di Santa Anna tambe a worde menciona: Misa di Monte Calvario. Segun Johan Hartog, pasobra e ta construi na pia di e cerro Boegoe-roei. E promer misa di Santa Anna na Noord tabata un misa di barra cu klei. Mgr. Niewindt a yega di yamele "un choza miserable."

Na 1831 pastoor van Lommel a cambia e misa bieuw den un misa di piedra cu dak di palo di maishi. Pastoor van Lommel a construi e misa aki cu su mes fondo. E misa tabata

mas of menos na e mesun lugar cu e misa actual na Noord. Na 1881 pastoor Bongers a muntra su obispo, Mgr. v. Ewijk, cu Noord tabatin mester di un misa nobo. "Masha bon", Mgr. a bisa", pidi bo parokianoan pa juda." Pero e parokianoan no tabatin muchu gana pa traha un misa nobo. Anto Mgr. van Ewijk a skirbi un carta formal, den cual el a muntra e parochianoan di Noord, cu lo a kita nan pastoor atrobe, si nan no kier judele pa traha un misa nobo. Den dos luna nan por tuma un decision. Pronto un



forno di kalki tabata kla pa cuminsa e trabau.

Na anja 1886 nan a traha e misa nobo na e mesun lugar. E motibo cu nan a tarda tanto asina tabata cu despues cu e parochianonan a yuda construi tanto e misa di Playa como esun di Savaneta nan a cansa di construi. E terreno cu ta pertenece na e misa a wordo regala door di gobierno, liber di impuesto di tera. Esaki a socede riba peticion di pastoor Paulus Willems O. Cap. na anja 1865. Con e misa a wordo drecha y muebla poco poco. Nos por lesa den e cronica di e parochia :

1899 dos imagen nobo, Anna y Joachim,

floer di cement

8 banki nobo cu 48 lugar pa sinta.

1900 plafond riba e presbiterio, traha door di algun carpinte di Corsow y algun ayudante di pader Jac. van Baars.

E presbiterio y e misa a wordo gevef: door di e koster di misa San Francisco, Felipe y esun di Santa Anna, Pedro Pers.

1902 algun banki; un collecte special di Francisco Ruiz. imagen di sagrado Curazon y San Dominico duna como un regalo na pastoor su cumpleanjo.

1903 imagen di Mama Maria y San Hose, tambe pa un cumpleanjo.

1910 A wordo cumpra dos lanterna nobo y un dozijn di lanterna pa procession, cual nan a wordo cumpra den un baratillo.

A consecuencia di e tempo malo y pa juda e hendenan cu trabau, Mgr. Vuylsteke a duna permit na anja 1914 pa construi un misa nobo. Algun dia despues cu Frater Ladislau a bin for di Corsow a wordo cuminsa riba 1 di meibou di proteccion di Mama Maria y San Hose como patrono cu bashamento di e fundeshi. Riba 17 di Juli 1914 Mgr.

Vuylsteke a pone solemnemente e promer piedra. Cuminsamento di agosto Mgr. a manda ordo pa stop cu e trabau pasobra pa motibo di gera no tin placa. Dos anja despues, riba 30 di Mei 1916 e misa a wordo bendiciona solemnemente pa Mgr. Vuylsteke y riba 1 di juli e promer santo sacrificio di misa a wordo celebra. E misa nobo tabata pa riba di esun bieuw, cu un caminda smal mei mei. Ora cu e misa nobo a bin cla Pancho Ruiz a kibra esun bieuw.

Durante tempo di cuaresma na 1928 e altaar nobo cu e preekstoel y mesa di comunion a wordo poni den misa door di Pancho Ruiz cu ayudo di Waachi Tromp, Chepi Giel y Fermin Frank. E altaar aki tabata den un misa na Scheveningen, Hulanda. Tempo cu nan mester kibra e misa pa reconstruccion e pastoor a regala e altaar, preekstoel y banki di comunion na Mgr. Vuylsteke cu a regala nan na e misa di Noord, bou di condicion cu tur gastonan pa carga etc. lo wordo paga door di misa di Noord. E gastonan tabata sumamente halto pa e tempo ey, F. 3000,— E altaar principal, corta den palo di eik ta un bunita ehempel di e neogotiek di 1870. E altaar, banki di comunion y e preekstoel a wordo traha door di e artista di Brabant Hendrik van der Geld, un ex-alumno di e academia di Arte na Antwerpen.

1929 Den e luna di mei e stoel di resa di gotiek a wordo traha pa e carpinte Eduardo Tromp Di e dos pidanan cu a sobra di e altaar nobo tambe a wordo traha dos altaar na banda.

1931 Den e anja aki hopi a wordo cumpra pa e misa gracias na e recaudacion di e depchinan di Liga di Santa Teresita. 16 juni den henter misa a wordo poni bankinan nobo. 1 juli "lambrisering" poni den misa. 18 juli e floer di mozaik a wordo poni.



## CHOU'S SERVICENTER

BAR Y RESTAURANT

Adres Tanki Leendert 289

Tel: 4527

Pa drecha tire,  
Grease

Sandwich  
Cerbez  
Soft



Nos ta habri Diadomingo  
For di 9.00 a.m.

## Tienda Oduber

PA  
BO  
JIUNAN



SINTONIZA TUR  
DIASABRA ANOCHI

## FESTIVAL CRIOLLO

via

VOZ DI ARUBA

ORA: 9 -- 11 p.m.

un programa presenta pa

ADDISON PROGRAMS CO.





20 juli ponemento di e banki-  
nan pa misdienaar.

22 juli instalacion di luznan  
elektrico den misa, pastorie y  
cas di soeurnan.

27 juli ponemento di porta-  
nan di koper den tabernakel.

12 oktober yegada di e ima-  
gen bunita di San Teresita cu  
console. E imagenan cu te  
awor tabata scondi bou di un  
panja tras di e altaar mayor, a  
wordo poni riba e consolenan  
bruin scur den misa.

1932 Den cura di misa a wordo po-  
ni y bendiciona un imagen  
grandi di Sagrado Curason.  
Na december e dos bentana-  
nan nobo a bini den e presbi-  
terio: e patrononan di Mgr.  
Verriet; e apostel Pedro riba  
e bentana di e piscamento  
milagroso y Papa Inocencio  
den su esfuerzo pa reunion di  
iglesianan. Tambe e dos boog  
chikitonan: Catharina di Sie-  
na y Rosa di Lima a yega.

1938 Nan a cuminza cu ponemen-  
to di un plafond nobo den  
misa. M. Morel di Corsow a  
bin trahe. Cada dos siman un  
bicicleta ta wordo rifa pa ha-  
ya placa. Tambe nan a traha  
bentananan riba presbiterio,  
e koor a wordo expande y e  
instalacion di luz a wordo re-  
noba.

1941 Un floer nobo a wordo poni  
den presbiterio, un pila  
(doopvont) nobo y un floer  
di mosaik den e capilla di  
bautismo.

1943 Misa a haya un stoel di con-  
fesion nobo, como regalo di  
Th. Ruiz.

1945 E imagen di San Filomena a  
wordo poni den misa. Un  
lampro a dal den misa pero  
no tin candela.



Pater v/d PAVERT

1950 E imagen di San Martin de  
Porres a wordo bendiciona.

1951 E koor di canto a wordo haci  
mas grandi. Tambe pa pro-  
mer biaha a bin luznan neon  
den misa (Pascu di Nacimien-  
to).

1952 Un imagen nobo di Santa An-  
na a bin for di misa Santa  
Anna na Corsow. Tambe a  
wordo cumpra un orgel no-  
bo.

1956 E entradanan na cada banda  
di e entrada principal den cu-  
ra di misa a wordo traha.

1957 A bin un floer chikitu di ce-  
ment na entrada di misa y un  
floer di mozaik den sacristia.

1958 Un mostrans nobo, un cruz  
pa procesion y dos candelario  
a wordo cumpra cerca un ru-  
man homber di pastoor  
Anink.

1959 Pa haya mas lugar patras di  
misa pa e hendenan por para  
a wordo traha un capilla di  
bautismo y un di confesion.

1960 E dibujonan di koper pa e pi-  
la a wordo poni na nan lugar.



1962 Nan a pone un instalacion di  
sonido den misa.

1965 E cuatro bentananan “glas in  
lood”, den cual tin e figura-  
nan di e fiscalnan a yega. Nan  
a wordo traha pa Hein Derix,  
Jiu di Wim Derix, cu a traha  
e otro bentananan, “glas in  
lood” pa pastoor Koenen na  
1933. E pinturanan pa e cua-  
tro bentananan aki a wordo  
traha pa un maestro di skool:  
Johan Schweisz. Tambe a  
wordo cumpra un orgel no-  
bo. E pida mei mei di e banki  
di comunion a wordo traha  
como altaar di ofrenda y un  
banki di misdienaar den esti-  
lo di banki di comunion a  
wordo poni aserca.


1967 E paloma a wordo cologa ri-  
ba e pila y den e capilla di  
bautismo a wordo poni un  
cuadro di e beata  
di Montepulciano.

1968 E toren a bolbe wordo cubri  
cu panchi.

1972 Nan a cumpra un orgel nobo.  
Un crucifijo, e stand pa lesa  
cu e aguila y un imagen nobo  
di Santa Anna traha pa van  
der Geld a wordo poni.



Pastoor THOMAS SADELHOF



Mgr. VERRIET

BO KAS TA BAL MAS DI LO-  
KE BO TA KERE. BO TA SI-  
GUR CU E TA BON SIGURA?  
OF POR LO MENOS SIGURA?  
YAMA PA UN AFSPRAAK  
SIN COMPROMISO ALGUNO  
SEÑOR

**ARTURO F. APONTE**

4228 OF 1550

PA MAS INFORMASHON

